



KWAZULU-NATAL PROVINCE

TREASURY
REPUBLIC OF SOUTH AFRICA

IHHOVISI LIKA NGQONGQOSHE

Private Bag X454, PIETERMARITZBURG, 3200
2nd Floor North Tower, Natalia Building, 330 Langalibalele Street, Pietermaritzburg, 3200
Tel: 033 846 6983 or E-mail address: nkosikhona.duma@kzntreasury.gov.za

uLwesibili, 10 kuMandulo 2024

UNGGONGQOSHE WEZEMALI UVIMBA UKUMOSHA KWENKECE NGOKUQASHWA KWEZIMOTO

Ungqongqoshe wezemali esifundazweni I-KwaZulu-Natali uMnu. Francois Rodgers uyaqhubeka nokonga nokuvimba ukumosha kwenkece.

Uphenyo olusanda kuphuthulwa ungqongqoshe luveze ukuthi imali yesifundazwe iyamosheka ngokuqashwa kwezimoto ezihamba ongqongqoshe.

Isinqumo sokuqashela abaholi beminyango eyishumi nanye kulesi sifundazwe sathathwa ngaphambi kokuthi uhulumeni wehlandla lwesikhombisa aqokwe.

Ezinyangeni ezine, kusukela kuMbaso kuya kuNtulikazi, imali esetshenziselwe ekuqashweni kwezimoto ezihamba izikhulu zikahulumeni ibalelwa kuR16.8 million.

Ngonyaka le mali ifika kuR40 million. Ehhovisini lakhe ungqongqoshe uthole ukuthi sekusetshenziswe imali esidlule kuR1 million phakathi kwaNdasa noNtulikazi kuwo lo nyaka.

Ungqongqoshe kanye nethimba lakhe emnyangweni wezemali kaKwaZulu-Natali baphezu kwezinhlelo zokuthenga izimoto ngemigomo ebekwe umnyango wezemali kazwelonke. Kulolu hlelo, umnyango ngeke udlule kuR12 million ekuthengeni izimoto zabaholi beminyango kahulumeni. Lokhu kusho ukuthi isifundazwe sizokonga uR27 million ngonyaka.

Ungqongqoshe u-Rodgers ufuna ukucacisa ukuthi uhulumeni wehlandla lwesikhombisa ufuna imali eningi isetshenziswe ekuvuleni kwamathuba omsebenzi, ukukhulisa umnotho, ukulwa nendlala nokungalingani kwabantu kanye nokuhambisa izidingo emiphakathini.

Isitatimende esivela emnyangweni wezemali KwaZulu-Natali. Odinga ukucaciselwa noma onemibuzo uyanxuswa ukuba athinte umxhumanisi womnyango u-Nkosikhona Duma ku-071 383 0388 noma isikhulu sokuxhumana uMusa Cebisa ku-071 6878 777.